

劉和發譜

傅振倫編



聖朝興學記

卷之三

傅振倫編

劉和幾年譜

中華書局

劉知幾譜

傅振倫編

中華書局出版

(北京復興門外翠微路2號)

北京市書刊出版業營業許可證出字第17號

中華書局排版廠印刷

新華書店北京發行所發行 全國新華書店經售

850×1168 毫米 1/32·53/16 印張·1 插頁·120,000 字

1963 年 4 月第 1 版

1963 年 4 月北京第 1 次印刷

印數：0,001—3,400 定價(9) 0.75 元

統一書號 11018·383 63.3.京型

重版序

劉知幾不僅是唐朝的文學家和經學家，也是中國著名的歷史學家。史通是他代表作品。一九三一年，我編印了劉知幾之史學（一名史通研究），一九三三年，又編輯了劉知幾年譜。年譜分爲七篇：首述劉知幾在我國史學界的地位；次述劉氏世系；又次述他的家世；又次概述他的學行交游；又次按年月編列他的行事；而以「後紀」概論他的生平，作爲結論。於一九三四年十一月由商務印書館出版。一九三六年訂正再版。解放以後，我曾就舊本稍加修改，於一九五六年，仍由該館印行。現在再次修訂，由中華書局出版。

本書大部分作於解放以前，在觀點立場方面，定有許多不盡妥當，甚或錯誤的地方，而且全書以介紹爲主，沒有作必要的批判。希望讀者提出批評，以便於再印時改正，不勝感謝。

傅振倫 一九六二年三月

目錄

重版序

一 引言.....	一
二 劉氏世系.....	七
三 劉知幾之家世.....	二一
四 劉知幾學行述略上.....	二七
五 劉知幾學行述略下.....	三〇
六 年譜.....	三七
七 史通要論.....	九六
八 年譜後紀.....	一五四

劉知幾年譜

一 引言

史學寄在公私史籍，公私史籍撰注於史官史家。我國史學之起源，較他國爲早。禮記內則稱三王五帝有惇史。遠古之事，未易明也。太史公書，信史也，始自黃帝。世本云：「沮誦倉頡作書，並黃帝時史官」。（廣韻九魚沮下引）堯舜時，曆官有重黎羲和諸氏，且世其職，卽史官也。夏代以降，世有史官。夏初，史有孔甲。（史通史官建置），禹有史疇。（六韜），桀有大史令終古。（呂氏春秋先識）。商盤庚有大史遘任。（書盤庚鄭注）。其末季，史有尹逸。（周書克殷），紂有內史向摯。（呂氏春秋先識）。河南省安陽縣所出甲骨骨刻辭，貞人之名，皆史官也。其職名見於吉金銘文者，亦不勝枚舉。訖於周，其制益備。周官禮記皆有大史、小史、內史、外史、御史等名。周之大史，見於左氏哀公六年傳；內史見於桓公二年、襄公十年傳。其有職名可考者，有史扁。（文選注引六強）、史角。（呂氏春秋當染）、史伯。（國語晉語韋注）、大跛。（莊子則陽）、柏常騫。（晏子春秋內篇問下）、萋弘。（左昭十一年傳）。大史有友。（書酒誥）、周任。（左隱六論語季氏）、魚。（周書王會解）、伯陽父。（周語）、儋。（史記老子列傳）、辛有。（左僖二十二、昭十五）、州黎。（左襄七）、蔡公、原公、尹佚。（國語晉語）。內史有過。（左莊三十二）、叔興。（左僖十六十八）、叔服。（左文元）、友。（書酒誥）、掖之。（漢書古今人表）。左史有戎夫。（周書史記解）。右史有武。（世本）

宋衷注。其有年世可考者，周初有大史辛甲（左襄四），武王有內史史佚（史記晉世家），穆王左史有史豹（文選思玄賦注）及史良（周書），宣王大史有史籀（漢書藝文志、說文解字序）。國既有史，下至諸侯附庸，亦各設史職。左氏昭公二年傳，魯有大史，魯大史又有克（左文十八）、固（左哀十二）、左丘明（漢書藝文志），又有外史掌惡臣（左襄二十三）。齊有大史南史（左襄二十五）。田齊有侍史（史記孟嘗君傳），有大史敫（戰國策）。鄭有大史（左襄三十昭元）、祝史（左昭十八）、史叟（說苑）。楚有左史倚相（左昭十二、國語楚語）、史皇（左定四）。晉有大史（國語），辛有二子爲董氏、大史（左昭十二），大史又有屠黍（呂氏春秋先識）、董狐（左襄三十），有左史（左襄十四），史有伯鯨（左昭十五）、史趙（左襄三十）、史龜（左襄九）、史蘇（左傳十五）、史墨（左哀九、昭二十九、襄二十作史黯）。韓有御史（戰國策）。趙有御史（史記廉頗藺相如列傳），有史周舍（說苑）。魏有史起（呂氏春秋樂成）。薛有侍史（史記孟嘗君列傳）。衛有祝史（左襄二十五），有大史（左閔二），大史又有柳莊（禮記、韓詩外傳）、華龍滑、禮孔（左閔二）。虢有史囂（國語晉語）。邾有史（說苑君道）。宋有史（戰國策）。秦有內史廖（史記秦本紀），有御史（史記廉頗藺相如列傳），有太史令胡毋敬（漢書藝文志、說文序）。不僅諸侯有史，至於州閭，亦各有之。禮記曰：「宰辯告諸男名，書曰：某年某月某日某生，而藏之。宰告閭史，閭史書爲二：其一藏諸閭府，其一獻諸州史。」史通史官建置篇曰：「古者人君，外朝則有國史，內朝則有女史。內之與外，其任皆同。故晉獻惑亂，驪姬夜泣，牀第之私，房中之事，不得掩焉。楚昭王譙遊，蔡姬對以其願，王顧謂史書之，『蔡姬許從孤死矣！』夫宴私而有書事之冊，蓋受命者，卽女史之流乎？則內廷禁中，又有史以記事矣。此皆古代記注之史官而見於載籍者也。」

古代史官既班班可考，其所記注之史書，亦有線索可尋。春秋昭公十二年左氏傳載楚靈王謂其左史倚相能讀三墳、五典、八索、九邱。周禮外史掌三皇五帝之書，鄭注卽以靈王所謂三墳五典釋之。尙書僞孔傳敘曰：「伏羲、神農、黃帝之書，謂之三墳，少昊、顓頊、高辛、唐、虞之書，謂之五典，八卦之說，謂之八索，九州之志，謂之九邱。」語殆近理。大戴禮言虞史伯夷，堯典唐事，蓋舜史之所錄也。汲冢璣語，乃夏殷春秋。夏殷以降，左史記言，右史記事。書多士言：「惟殷先人，有冊有典。」周之記事，則大史、小史、內史、外史、御史，分掌其事。其所記也，謂之曰志。左傳言周志（文二年）、前志（文六、成十五、昭十二）、史佚之志（成四），孟子言「志曰」（滕文公上），皆謂此也。莊子有金版六弢，漢書藝文志儒家著錄周史六弢六篇，以及周史記、汲冢周書，亦皆周史記注之書也。周官外史掌四方之志，則諸侯史記兼有之。西周而後，或名春秋。如墨子引燕之春秋、宋之春秋、齊之春秋、周之春秋（明鬼下），又言「吾見百國春秋」（史通六家篇引墨子佚文）。申叔時言教太子箴以春秋（國語楚語），司馬侯言叔向習於春秋（國語晉語）。蓋晉之乘、楚之檮杌，魯之春秋，以及孔子所見百二十國實書，均得以春秋名之也。春秋而外，又或名典籍、書、策、記。左昭十五年傳言孫伯、圉司晉典籍爲大政，故曰籍氏、董氏。大學有楚書。鄭書見左襄三十一年、昭二十八年。韓有策，見韓詩外傳。八代記見於公羊疏，青史氏記（漢志著錄青史子五十七篇，注云：古史官記事也。見於風俗通。秦之史亦曰記（史記六國表、始皇本紀）。凡此之類，不以史名，實皆古代之史書也。惜古籍淪亡，傳今者尠，今所存者，惟有五經。

明人王守仁云，五經皆史，清人章學誠亦言，六經皆史。蓋五經、六經，皆古史也。詩、文物之國別

史也，書，紀傳之通史也，易，哲學之史也，禮，樂，政書之屬也，春秋，編年之通史也。劉知幾謂：「古者言爲尚書，事爲春秋。左右二史，分尸其職，」亦此義也。孔子既著春秋，丘明恐弟子各安其意，失其真，故論本事而作傳（語本漢書藝文志），是爲編年史之祖。左氏既爲春秋內傳，又稽其佚文，纂其別說，分列周、魯、齊、晉、鄭、楚、吳、越八國事，起自周穆王，終於魯悼公，別爲春秋外傳——國語，而創國別載記之體。自是而後，記事者遂又有編年國別之體。然以一篇記一事，不能統貫一代之全。編年者又不能卽一人而各見其本末。漢司馬遷更參酌古今，發凡起例，創爲紀表志傳之史。本紀以序帝王，十表以繫時事，八書以詳制度，列傳以誌人物，世家以記土地事功德業之可世其家者，然後社會體相，粲然備於一書。蓋司馬氏世司典籍，工於制作，論者稱其書兼尚書、春秋之長，良非虛譽。班固祖述，一仍其體，雖通述斷代之有異，固紀傳體不祧之宗矣。蓋我國史學，萌芽於孔子、丘明，而大成於馬遷、班固也。後來繼作，部類益廣，六家十流，篇帙益富。至宋袁樞創紀事本末之體，史體大備矣。惟唐前作者，通無遠識，多乖體法。史通敘事篇謂：「自漢已降，幾將千載，作者相繼，非復一家，求其善者，蓋亦無幾，」非苛論也。

章學誠史考釋例曰：「古人史學，口授心傳而無成書。其有成書，卽其所著之史是也。自史學亡，而始有史學之名。」蓋自專門史家廢，而史學義例之書興。案「史學」一詞，始於十六國。晉太興二年（三一九年），石勒自立爲趙王，以任播、崔濟爲史學祭酒（晉書載記）。祭酒者，一學之長也。史學設科，實自此始。至劉宋元嘉中，儒、玄、史、文四學並建，以太子率更令何承天立史學。自爾厥後，史學之肄習，

見重於時。南北朝史學之盛，此實其主要原因之一。我國論史學之書，亦起斯時。啟其端者，劉勰也。其文心雕龍史傳篇曰：「按春秋經傳，舉例發凡。自史漢以下，莫有準的。……雖定哀微辭，而世情利害，勳榮之家，雖庸夫而盡飾，迺敗之士，雖令德而常嗤。理欲吹霜煦露，寒暑筆端，此又同時之枉，可爲歎息者也。……至於尋繁領雜之術，務信棄奇之要，明白頭訖之序，品酌事例之條。曉其大綱，則衆理可貫。然史之爲任，乃彌綸一代，負海內之責，而羸是非之尤，秉筆荷擔，莫此之勞。」此雖寥寥數語，已能揚推體例，闡明史學之義蘊矣。惟劉勰雖深知史法之要，然尙未遑自創條例也。唐人劉知幾生當學術昌明之世，遺文間出，史籍大備。身任史官，恣覽中祕。懷獨見之明，負不刊之業。歷觀自古史傳，積極忘返。乖史家之規模，違先哲之準則。「嘗欲自班馬以降，訖於姚李、令狐、顏、孔諸書，莫不因其舊義，普加釐革」，又終恐招物議，而不得逞，乃思欲辨載筆之指歸，殫其體統，發憤而撰史通，備論史體之要。具有家法，言成經緯。卓識高見，敢於創言。譏評史家、史事、史書，莫不洞中肯綮，故新唐書本傳稱其「善持論，辨據明銳，視諸儒皆出其下。」千三百年來，其說多不可易也，可謂史家中韓愈矣。沿至清代，章學誠紹其遺緒，補苴罅漏，論列益詳，斯學益精。蓋我國史籍，起於皇古，而歷史之學，則始於劉氏史通。唐代而後，正史之體法，與日俱進，漸臻於勝，知幾不爲無功。

竊念知幾史識卓越，其思想影響我國史學界者至大且鉅，其生平事蹟，不容盡掩。因就平日瀏覽所及，綴述其事，編爲年譜。首述劉氏世系及知幾之家世、個性及其學術思想之淵源，繼譜述其事迹。更詳論其治學方法與歷史觀點，史通要論今亦附於其後。讀者作爲知幾之史學觀可也。吾人生知幾

千餘年下，詳考其佚文軼事，其道甚難。今爲此編，頗覺簡陋，姑錄所知，聊備參考。史學界同好之士，幸有以增補釐訂焉。

二 劉氏世系

劉知幾嘗撰劉氏譜考，自謂劉氏爲陸終苗裔，非堯之後。彭城叢亭里諸劉，出自楚孝王囂曾孫居巢侯般，不承元王交。唐會要卷三六氏族條云：「長安四年，鳳閣舍人劉知幾撰劉氏三卷，（註一）推漢氏爲陸終苗裔，非堯之後。彭城叢亭里諸劉，出自宣帝子楚孝王囂曾孫司徒居巢侯劉愷之後，（註二）不承楚元王交。皆按（玉海卷五〇藝文門譜牒類）唐劉氏譜條下引，以「按」作「援」據明白，正前代所誤。雖爲流俗所譏，學者服其該博。」舊唐書卷一〇二劉子玄傳，全引唐會要之文。新唐書卷一三三劉子玄傳亦云：「……別撰劉氏家史及譜考，上推漢爲陸終苗裔，非堯後。彭城叢亭里諸劉，出楚孝王囂曾孫居巢侯般，不承元王，按據明審，議者高其博。」

案譜考已亡，其詳莫考。然劉氏爲陸終之後，亦非無據。林寶元和姓纂云：「劉，在商爲豕韋氏。」秦嘉謨世本輯補云：「案姓氏篇上注：「夏封其（指彭祖言）別孫元哲於豕韋。」則劉氏出於彭祖。然彭祖爲陸終之後，明見世本。（註三）惟年代荒遠，未能詳考耳。」

註一 舊唐書劉子玄傳及新唐書藝文志均謂子玄撰劉氏家史十五卷，譜考三卷。會要所稱劉氏三卷，即劉氏譜考。

註二 清羅士琳等所撰舊唐書校勘記卷四一（考舊唐書劉子玄傳爲陳立所校，見本書目錄）劉愷之後條下云：「張氏宗泰云：

新書愷作般。按世表般生愷，是愷亦孝王之後，然不得爲曾孫。又表上云：「紆生居巢侯般，此文既上繫居巢，不得爲愷。」
註三 荀子修身篇注：「彭祖，堯臣，名鑑，封於彭城（世本輯補）。」

夫劉氏爲堯後，左傳有明文。而知幾則謂漢爲陸終之後，故見譏當時。是以新唐書卷七一上宰相世系表，雖依從其說，謂彭城諸劉出於楚孝王，而仍以漢爲堯後。其文曰：「劉氏出自邾姓，帝堯陶唐氏子孫。生子有文在手，曰『劉果』，因以爲名。……遠生陽，十世孫，戰國時獲於魏，遂爲魏大夫。秦滅魏，徙大梁，生清，徙居沛，生仁，號豐公，生熾，字執嘉，生四子：伯、仲、邦、交。邦，漢高祖也。高祖七世孫宣帝，生楚孝王囂。囂生思王衍，衍生紆。紆生居巢侯般，字伯興。般生愷，字伯豫，太尉司空，生茂，字叔盛，司空太中大夫，徙居叢亭里。愷六世孫訥，晉司隸校尉。孫憲，生羨，羨二子：敏、該。敏從子僧利。」李邕撰唐贈太子少保劉知柔神道碑云：「府君姓劉氏，諱知柔，字某，彭城人也。……按史牒推之，楚孝王囂之後。」（見文苑英華卷九〇〇）而元和姓纂則不但謂劉氏爲帝堯之後，且謂彭城諸劉，系出楚元王交。卷五，十八尤云：「劉——帝堯陶唐之後，受封於劉。裔孫劉果，事夏后孔甲。……彭城劉氏——漢高弟楚元王交，生休侯富，富生辟強，辟強生陽城侯德，德生向，向生歆。子孫居彭城，分居三里：叢亭、綏輿、安上里。」梁肅給事中劉公墓志云：「公姓劉氏，諱迴，彭城人，楚元王交之後也。」（見文苑英華卷九四四）蓋知幾之譜，當時諸劉，亦不肯盡遵耳（語亦見清趙紹祖新舊唐書互證）。茲以新唐書宰相世系表爲本，更參以他書，錄述劉氏世系表如次。

劉氏世系表

原
书
缺
页

原
书
缺
页

三 劉知幾之家世

舊時學者思想，每淵源於家學。史學思想家劉知幾，亦不外此例。案梁肅所撰給事中劉公迴墓志云：「當漢興，諸侯王子孫，惟楚爲盛。世爲儒宗，光耀史牒。」李邕唐贈太子少保劉知柔神道碑亦云：「粵若伯豫談經，景瑜志學，令言穎邁，王喬名理，迴仁之撫接，內使之節義。是以嗣前人，食舊德。鼓簧史傳，柱石邦家，其來遠矣。」沿至李唐，亦代以文學政事顯於時。知幾之從祖父胤之有儒學，曾預修國史。

舊唐書卷一九〇上文苑列傳曰：「（劉胤）胤之，少有學業，與隋信都丞孫萬壽、宗正卿李百藥爲忘年之友。……永徽初，累轉著作郎，宏文館學士。與國子祭酒令狐德棻、著作郎楊仁卿等撰成國史及實錄，奏上之，封陽城縣男。尋以老不堪著述，出爲楚州刺史，卒。」

其從父延祐，（註一）進士及第，有文名。

舊唐書劉胤之傳曰：「弟子延祐，弱冠本州舉進士，累補渭南尉，刀筆吏能，爲畿邑當時之冠。司空李勣嘗謂曰：『足下春秋甫爾，便擅大名，宜稍自貶抑，無爲獨出人右也。』後歷右司郎中，檢校司賓少卿，封薛縣男。……出爲箕州刺史，轉安南都護，……爲（李）思愼所害。」（新唐書卷二〇一文藝列傳劉延祐傳略同。）

其父藏器，亦有學行。

註一 胡應麟史書估畢云：「唐時兩劉延祐：一藏器兄，見唐書；一守文子，見通鑑。」